

nem, & ultra hoc omnimodam Pape auctoritatem in utroq; foro super Indos. &c. Ergo si clare non conceditur, non debemus talia subinserre ex commissione generali. Sed Prouinciales, quando confirmant Piores, vel Guardianos, & Presidentes conuentuum [qui sunt velut Guardiani] deberent hoc illis concedere, vel si non omnibus, saltim illis, qui ad id idonei videntur. Hęc Pater à Vera cruce in Compendio Indico, Verbo Absolutio. 3. conclusione. 6. Et Pater Frater Ioānes Focher in Postilla huius breuis dicit, quod etiam si Guardianus sit Prelatus, non potest uti priuilegiis, hic concessis: nisi sibi sit commissum à Prouinciali, vel Custode. Quia illud verbum Præfati, refert Prælatos, qui per electionem assumuntur, cuiusmodi non sunt Guardiani, & hoc nisi oppositum consuetudo interpretetur per tacitum consensum Prouincialium, & Custodum. Et reuera, per illud verbum [& alij fratres, quibus ipsi de fratribus suis duxerint committendum] manent exclusi Guardiani, quia ipsi non possunt Cōmissarios instituere, neq; maiorem habent auctoritatem ordinariam erga fratres si bi subditos, quam Parochi in suos Parochia-